

LEGE BILTZARREKO BOZERAMAILEEN MAHAIAK PSNREN PROPOSAMENA ONARTUKO DU

Lizentzien banaketaren ikerketa batzordearen lehen urratsa gaur

■ Nafarroako Legebiltzarreko bozeramaileen mahaiak baietza emango dio gaur irratiz lizentzien banaketari buruz ikerketa batzordea osatzeko PSNk aurkeztutako eskaerari. Sozialistek uste dute «interes publikoko» gaia dela.

Alberto Barandiaran / Iruñea

ALDERDI sozialistak aurkeztu zuen atzo Legebiltzarreko erre-gistroaren aurrean, iragarri beza-la, FMko irratiz lizentzien banake-ta ikertzeko proposamena, talde parlamentarioko hamar kidek sinatuta. Hori zen —parlamentarioen %20— gutxieneko kopurua ikerketa batzordearen osaketa eskatzeko, eta azken egunotan asko aipatu baldin badira ere euskararen gaiaren inguruan PSNren barruan dauden iritzi ezberdinak, azkenean talde parlamentario osoak sinatu du eska- era. Denek, M^a Dolores Eguren Legebiltzarreko lehendakariak izan ezik. Mahaiaren eskaera Legebiltzarren osoko bilkurara joango da, eta han ere onartzen bada, azkenean bozeramaileek erabakiko dituzte osaera, epeak, funtzionamendua eta bidea.

Atzo aurkeztutako eskaeran, talde sozialistak dio irratiz lizen- tzien banaketak polemika piztu zuela Nafarroako gizartean, eta horrek hainbat ekimen parla- mentario bultzatu zituela, eslei- pen prozesua zuzena izan ote zen argitzeko. Idazkiak gogoratzen du Herrilan, Garraio eta Komuni- kazio kontseilari Jose Ignacio Palacios zegokion batzordearen aurrean azaldu zela esleipenaren hainbat kontu argitzeko, eta horren ondotik bozeramaileen mahaiak txostena eskatu ziola Kontuen Ganbarari. Gogoratzen du, halaber, Legebiltzarren osoko bilkurak esleipena behin- behineko geldiarazteko premia adierazi ziola Gobernuari, aipatu txostena ezagutu arte.

Jakin delarik Kontuen Ganba- ra ez zela gai Jose Ignacio Pala- ciosen erabakia epaitzeko, ez bai- tzegoen bertan diru publikoari zegokion ezer, sozialistek beha- rrezko ikusi dute erakunde horren txostenaren ordez beste aukera bat baliatzea, ikerketa batzordea eskatzea alegia, «Lege- biltzarren osoko bilkurak onar- tutako mozioan zehazten ziren susmoak gainditu ahal izateko». Talde sozialistaren ustez, hau guztia bada nahikoa arrazoi irra- ti lizentzien banaketa «interes publikoko» gai izendatzeko eta ikerketa batzordea sortu beharra justifikatzeko.

Prozedura bereziko

batzordea • Ikerketa Batzordea- ren lana izango da ikertzea eslei- pen administratiboa nabarmen baldintzatu zuten irizpideak edo balorazioak egin ote ziren azken erabakia hartzerakoan, horrek urratu egingo bailuke indarrean dagoen legedia. Hau da, ikertu beharko da lizentziak baldintzak



Euskalerrira Irratiaren alde Iruñean egindako manifestazio bat.

OSKAR MONTERO.

hobekien betetzen zituztenei eman zitzaizkien edo ez.

Gaur mahaiak eta hurrengo bilkura nagusian Legebiltzarrak hala erabakitzen baldin badute —oposizio talde guztiek iraga- rri dute baietza emango diotela sozialisten eskaerari— boze- ramaileen mahaiak berak zehaztu beharko ditu gero ikerketa batzordea osatzeko urratsak. Hor finkatuko da talde bakoitzaren partaideak zein izango diren, noiz osatuko den batzordea, berauen

arauak, funtzionamendua... Tal- de bakoitzetik partaide bana izango da, baina boto haztatua izango du, hau da, Legebiltzarre- an dagoen proportzioaren arabe- rako balioa izango du partaide bakoitzaren botoak.

Legebiltzarreko iturrien arabe- ra, prozedura ez da oso luzea izango, txostenak berak ez baitu aparteko korapilorik, «baina, agerraldiak direla, txostenak eskatzen direla eta beste, hilabe- teak joango dira erabakia eduki

arte». Behin erabakia hartuta, horren berri emango zaio Legebil- tzarrari, gomendio eta zehazta- pen guztiekin, eta hark hartuko du hondarreko erabakia.

Bitartean, Gobernuak esan du aurrera jarraitzen duela lehiake- taren prozedurak eta azkenean lizentzia lortu zuten bi irratia- k —Nafarroako Unibertsitatea eta Medios de Comunicación 21 tal- dea— hurrengo urtearen hasie- ran emititzen hasteko azken prestakuntzetan ari dira.

Del Burgo, Urralburu eta Borderias

FMko irratiz lizentzien banaketa ikertuko duen batzordea lauga- rrena izango da Nafa- rroako Legebiltzarren historian. Lehenak UPNko bi kide histori- koren lana epaitu zuen 1985ean. Balbino Ba- dos eta Jaime Ignacio Del Burgo ganberako lehendakaria eta lehen- dakariordea ziren, hu- rrenez hurren, garai hartan, eta biek argitu behar izan zituzten au- rreko urteetako aurre- kontuari buruzko hain- bat gai, denak diru pu-

blikoaren erabilera oke- rri buruzkoak. Iker- keta batzordeak bien jarduna salatu zuen. Badosi egotzi zion UPN- ko hiru kideri —haien artean egun parlamentario diren eta alderdiaren barruan kargu garrantzitsuak dituzten Rafael Gurrea eta Pedro Elza— ia 2,5 milioi pezeta ordaindu zizkiela kontsulta ba- tzuengatik, eta Del Bur- gori ganberaren kreditu txartel bat gastu parti- kularrak ordaintzeko erabili zuela.

Bigarren batzordea 1994an osatu zen, Gabriel Urralbururen gestioa epaitzeko. Batzordearen emaitzen arabera, teknikarien lekukotasunek garbi utzi zuten herrilaren adjudikazioetan esku- meneko erabaki gehiegi zeudela, eta delitu izan zitezkeela, eta horrega- tik txostena eta emai- tzak epaitegiatar a bidaltzea erabaki zuen. Sei auzipetuek kartze- lara zigorra jaso dute Nafarroako Entzute- gian.

Azken ikerketa batzordea 1996. urteko ko azaroan gertatu zen, Sakanako Autobidean izaniko irregularitasu- nak ikertzeko. Orduan ere ahalmena izan zen epaitua, hau da, lanak esleitzerakoan irizpide- ak baliatzeko zuzenta- suna. Orduko Herrilan kontseilari Jose Ignacio Lopez Borderiasek —egun Madrilen sena- tore da— zentsura poli- tikoa jaso zuen eta kar- gua utzi behar izan zuen afera haren ondo- rior. X

Arabako Diputazioak euskara ikasi nahi duten Merkataritza Ganberako langileak lagunduko ditu

■ 1992az geroztik, urtero berritzen dute hitzarmena bi erakunde horiek

Europa Press / Gasteiz

ARABAKO Merkataritza Gan- berak eta Foru Aldundiak hitzarmen bat sinatu zuten atzo, euskara ikasi nahi duten langileei dirulaguntza emateko xedearekin. Horrela, Merkataritza Ganberan izena emanda duten enpresa guz- tietako langileek dirulaguntza jasoko dute euskara ikasteko, baldin eta ikastaro bakoitza gainditzan duten ziurtagiria aurkeztzen badute.

Foru Aldundiko Kultura eta Euskara Sailak eta Merkata- ritza Ganberak sinatu duten hitzarmenaren bidez, lau milioi pezeta (160.000 libera) izango dituzte langileek eus- kara ikasteko. Hitzarmena urtero sinatzen da 1992. urte- az geroztik, eta euskararen egoera normalizatzea da helburua, ikasteko erraztasu- nak emanez enpresetako lan- gileei.

Iazko ikasturtean 300 bat langilek baliatu ahal izan zituzten hitzarmen horren abantailak euskara ikasteko, nahiz eta 200ek soilik lortu zuten ikastaroa gainditzea. Josu Lapatz Merkataritza Ganberako lehendakariak azaldu zuenez, «langileek eus- karazko eskolak ematen dituen zentroan izena eman behar dute azaroan, eta, bukatzen dutenean, gainditu duten ziurtagiria aurkeztu».

Homologatuta dauden zen- tro guztietan egin daitezke ikastaroak, eta diru laguntza ikastaro bukaeran lortu beha- rreko mailara iritsi direnen artean banatzen da, era pro- portzionalan. Lapatzak esan zuenez, lau milioiekin gas- tuen %45i egiten diote aurre. Halaber, lan egin ondoren euskara ikasteari ekiten dio- ten langileen adorea gorai pa- tu zuen Merkataritza Ganbe- rako lehendakariak. «Lagu- tza honek animatu egin nahi ditu, lan egin ondoren ikaste- ri ekin diezaioten», adierazi zuen Lapatzak. Hala ere, onartu zuen bakoitzaren motibazioak garrantzi handiagoa duela euskara ikasteko dagoen beharrak baino.

Atzo izenpetu zuten hitzar- mena bi erakundeek, eta eki- taldian izan zen Diputazioa- ren aldetik Mikel Mintegi Euskara diputatua. Merkata- ritza Ganberako lehendaka- riak adierazi zuenez, euskara ikasteari ekiten dioten arte- an langile gazteak dira gehie- nak, baina badira adin guztie- takoak. Ildo beretik, ziurtatu zuen tailerretako langileak izaten direla euskara ikastera gehien animatzen direnak. X